

Programa «TALENTO COOPERATIVO»

Programa de consolidación e formación para a mellora no funcionamento das cooperativas e entidades de economía social.

Convoca: Unión de Cooperativas Galegas EspazoCoop

Destinatarias: Cooperativas (con prioridade para aquelas asociadas a EspazoCoop) e outras entidades de economía social, ubicadas preferentemente no rural.

Convoca

Unión de Cooperativas Galegas EspazoCoop, dentro do Programa de actuación 2024 da Rede Eusumo e do Programa POCTEP ES_FACTORY.

A Rede Eusumo é unha rede de colaboración impulsada pola Dirección Xeral de Traballo Autónomo e Economía Social da Xunta de Galicia para o fomento e consolidación do cooperativismo e a economía social que conta co financiamento do Ministerio de Trabajo y Economía Social.

Obxecto

O obxecto desta convocatoria é **seleccionar 4 COOPERATIVAS** para **incorporar** nelas a **persoas coa titulación axeitada** que realizarán **prácticas de apoio e mellora xerencial na mesma** durante **6 meses e 25 horas semanais**. As persoas bolseiras contan cunha axuda mensual que aboa EspazoCoop para desenvolver o seu labor, ademais a Unión encárgase do proceso de selección das persoas bolseiras.

A finalidade do Programa é mellorar as condicións nas que as entidades confrontan a función xerencial e os procesos de mellora nas súas organizacións.

CARACTERÍSTICAS DE 'TALENTO COOPERATIVO'

Diagnose e desenvolvemento dun Plan de Mellora

Para a definición das áreas de traballo nas que incidir no Plan de Mellora, realizarase unha diagnose previa sobre a documentación legal da entidade, elaboración da diagnose DAFO, análise da área comercial e de mercado, análise da área organizativa e análise da área económico-financiera. Posteriormente procederase á elaboración do Plan de Mellora nas áreas identificadas comp prioritarias e ao acompañamento á entidade durenre o proceso de implantación do mesmo, que contará, como mínimo, cos seguintes contidos:

- Obxectivos, recursos, ferramentas, programación e resultados esperados.
- Plan estratéxico e de xestión da entidade beneficiaria.
- Avaliación final da estadía

Quen pode solicitar Talento Cooperativo?

Seguindo a seguinte orde de preferencia:

Cooperativas e outras entidades de economía social, que reunan o perfil de beneficiarias do Programa **que teñan interese en mellorar o labor xerencial** e que non teñan persoal concreto e/ou profesionalizado para a xerencia.

O programa ten carácter **GRATUÍTO**

Selección de entidades

O proceso de selección consistirá en recoller información das cooperativas demandantes:

1 | Mediante un formulario.

2 | A Unión de cooperativas EspazoCoop, asemade, reservase a posibilidade de realizar entrevistas, visitas persoais ou outras accións encamiñadas a recabar máis información das entidades demandantes.

A valoración e selección das cooperativas beneficiarias do Programa TALENTO COOPERATIVO, será realizada por unha Comisión na que participará persoal técnico de EspazoCoop.

Compromisos das entidades seleccionadas

As entidades que sexan beneficiarias de Bolsa a través do Programa TALENTO COOPERATIVO, por un lado, terán dereito a dispor dunha persoa bolseira na área xerencial, con acompañamento dunha titora de EspazoCoop, e por outro lado, adquirirán certas obrigas ou compromisos (de participación no Programa, de atención e colaboración coa persoa bolseira, etc.), que se indicarán dentro do proceso de selección e na guía de xestión do Programa, e se recollerán nun convenio de colaboración que será asinado entre a entidade beneficiaria, a persoa bolseira e EspazoCoop.

Na entidade deben existir unhas condicións mínimas de atención e dedicación á Bolsa e á persoa bolseira, tanto para que poida desenvolver os traballos encomendados, como para que a entidade tire proveito e contribúa á boa marcha da Bolsa.

O incumprimento das obrigas e compromisos por parte da entidade beneficiaria da Bolsa do Programa TALENTO COOPERATIVO poderá conlevar a suspensión da mesma e, se é o caso, a reclamación de danos e prexuízos por parte da Unión de Cooperativas EspazoCoop.

Onde se desenvolve?

Como as persoas bolsseiras **seguirán un programa formativo teórico – práctico** dinamizado por EspazoCoop, o lugar de celebración dos traballos de apoio xerencial serán :

- Nas instalacións da propia entidade.
- Nos lugares e instalacións que se estimen necesarios para impartir as actividades formativas e acompañamento (locais da Unión de Cooperativas EspazoCoop).

Por elo é **importante que a entidade dispoña das condicións de espazo e de equipamento idóneos**, para que a bolsseira poida traballar sen carencias durante a estada en prácticas.

Titorías nas entidades

O Programa TALENTO COOPERATIVO tamén prevé sesións de titorización dos traballos de mellora e xerenciais na propia entidade. Nestas titorías participarán persoal da entidade, a persoa bolsseira, e a titora de EspazoCoop.

Datas de posta en marcha

O **proceso de selección**, tanto de cooperativas como das persoas bolsseiras, terá lugar entre **outubro e novembro** de 2024.

A **estadía en prácticas** da persoa bolsseira na cooperativa, terá lugar entre o **1 de novembro de 2024 e o 30 de abril de 2024**.

SOLICITUDES : QUE PRESENTAR?

As entidades achegarán a **solicitud** e un **formulario en liña** cumprimentado para formalizar a súa demanda.

1 | A **solicitud** pode achegarse en formato dixital (orixinal escaneado) ou en formato papel (orixinal). Deberá estar asinada pola presidencia e secretaria do consello reitor da entidade e levar o selo.

Remitir a solicitud por correo electrónico á Unión de Cooperativas EspazoCoop a: roberto@espazo.coop

2 | O **formulario** de demanda de TALENTO COOPERATIVO cumprimentarase en liña e o recibiremos automaticamente en EspazoCoop.

INFORMACIÓN E CONSULTAS

No teléfono **986 866 149**, ou no correo electrónico roberto@espazo.coop

PRAZO DE PRESENTACIÓN

As solicitudes poderán presentarse ata o mércores **16 de outubro de 2024**.

ACEPTACIÓN DAS BASES

A presentación da solicitud implica a conformidade e aceptación das bases da convocatoria por parte das cooperativas solicitantes.

En Santiago de Compostela a 3 de outubro de 2024